



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

CCCII. Markgraf Johann belehnt Claus Sturm zu Stendal mit Besitzungen in
Garchow, am 17. Dezember 1432.

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

CCCII. Markgraf Johann belehnt Claus Sturm zu Stendal mit Besitzungen in Garchow,
am 17. Dezember 1432.

Wir Johann, von gots gnaden Marggraue czu Brandenburg vnd Burggraue czu Nuremberg etc., Bekennen offentlichen mit diessellem Brieffe fur allermeniglich, das wir vnserem lieben getruwen Clawesen Storme, Burger czu Stendell, diese hienachgeschriben ierlichen czinse vnd rente, mit namen Im dorff Garchow auff heyne mowers houe vnd huffen drey scheffel weyssen; Auff heyne Otten houe vnd huffen Sechs stendelisch schilling, eynen halben wispel Roggen, Einen scheffel habern vnd einen scheffel gersten; Auff Claws Segers houe vnd huben vier scheffel habern, czwey scheffel Roggen vnd drey vnd czwenzig stendalischer schilling vnd auff hencke Ehlen houe vnd huben drey scheffel weyssen czu einem rechten manlehen gelihen haben mit allen czugehorungen vnd gerechtigkeiten, In maefzen er die obgeschriben ierlichen czinse vnd rente von vnseren lieben getrewen Alten Brand, Albrechten, Alten Cunen vnd Junge Cunen, Junge brant, Ballensteden, alle bruderer vnd geuettern, gekaufft hat vnd die dieselben czinse vnd rente vormals von vns vnd der Marggraueschaft czu lehn gehabt vnd die fur vns uerlassen haben, vnd wir leihen dem genanten Clawesen Storme die obgeschriben ierlichen czinse vnd rente czu einem rechten manlehen etc. — vnd Geben Im des czu einem Inwyser vnseren lieben getrewen Gregorius Gunther. Czu vrkund mit vnserem anhangenden Insigel uersigelt vnd Geben czu Tangermunde, an der Mitwochen nach lucie, Nach Cristi vnseren herren geburte vierzehnhundert iar vnd darnach In den czweyvndreyffsigsten iaren.

R. dominus per se.

Nach dem Churm. Lehnscopialbuche XVI, 55.

CCCIII. Markgraf Johann belehnt Ebel Grevenitz, Bürger zu Stendal, mit Hebungen im
Dorfe Scharstede, am 24. Juni 1433.

Wir Johanns, von gots gnaden Marggraff czu Brandenburg vnd Burggraff czu Nuremberg, Bekennen offentlichen mit diesem brief fur allermeniglich, das wir vnserem lieben getrewen Ebel grefenicz, purger czu stendal, diese hiernachgeschriben czinse vnd Rente mit namen Im dorff czu scharsted auf nichil werneken hoff vnd huben sechs scheffel rogggen vnd auff Junge erxleben hoff vnd huben sechs scheffel rogggen, die er von Cunen woldenberg gekaufft, vnd derselb Cune daz fur vns uerlassen hat, czu einem rechten manlehen geliehen haben vnd leihen etc. — vnd haben des czu einem Inwyfzer vnseren liben getrewen gregorius gunther gegeben, mit vnserem aufgedrucktem Insigel uersigelt czu tangermunde, Anno domini M^o. III^o. XXXIII^o., ipso die Johannis Baptiste.

Nach dem Churmär. Lehnscopialbuche XVI, 97.